



**CYNGOR BWRDEISTREF SIROL
RHONDDA CYNON TAF**

BWRDD RHIANTA CORFFORAETHOL

Cofnodion o gyfarfod rhithwir y Bwrdd Rhianta Corfforaethol a gynhaliwyd Dydd Llun, 2 Hydref
2023 am 10.00 am.

**Y Cynghorwyr Bwrdeistref Sirol - Bwrdd Rhianta Corfforaethol Aelodau oedd yn
bresennol:-**

Y Cynghorydd G Caple (Cadeirydd)

Y Cynghorydd R Lewis Y Cynghorydd C Leyshon
Y Cynghorydd J Bonetto Y Cynghorydd P Evans
Y Cynghorydd S Hickman Y Cynghorydd S Rees
Y Cynghorydd S Trask

Swyddogion oedd yn bresennol

Mr N Elliott, Cyfarwyddwr Gwasanaethau Cymdeithasol
Ms A Lloyd, Cyfarwyddwr Gwasanaethau i Blant
Ms C Jones, Pennaeth Materion Mynediad a Chynhwysiant
Ms C Miles, Cyfreithiwr Gofal Plant
Ms L Hawkins, Pennaeth Ysgol Rithwir
Ms J Evans, Pennaeth y Gwasanaeth Ymyrraeth Ddwys
Ms R Hughes, Rheolwr Arfer a Chyflawniad Carfan Magu
Ms E Walters, Pennaeth Partneriaethau
Ms M Davies - TGP

19 YMDDIHEURIADAU AM ABSENOLDEB

Croesawodd y Cadeirydd Gynghorydd y Fwrdeistref Sirol S Hickman i'w chyfarfod cyntaf o'r Bwrdd Rhianta Corfforaethol. Doedd dim ymddiheuriadau am absenoldeb.

20 DATGAN BUDDIANT

Yn unol â Chod Ymddygiad y Cyngor, ni wnaethpwyd unrhyw ddatganiadau mewn perthynas â'r agenda.

21 COFNODION

Cadarnhau cofnodion o gyfarfod y Bwrdd Rhianta Corfforaethol a gafodd ei gynnal ar 18 Gorffennaf 2023 yn rhai cywir.

22 CYMORTH IECHYD MEDDWL

Rhoddodd Gyfarwyddwr y Gwasanaethau i Blant wybodaeth i'r Bwrdd Rhianta Corfforaethol am y gwasanaethau sydd ar gael i wella lles emosiynol a diwallu anghenion iechyd meddwl pobl ifainc ag anghenion gofal a chymorth.

Cafodd sylw'r aelodau ei dynnu at adran 4 yr adroddiad, a oedd yn rhoi'r wybodaeth ddiweddaraf ar y meysydd canlynol o ddarpariaeth y gwasanaeth:

- Strategaeth y Blynyddoedd Cynnar;
- Datblygu'r Dull Ysgol Gyfan o'r enw Shine;
- Ymsefydlu'r Un Pwynt Mynediad ar gyfer Gwasanaethau Iechyd Meddwl Plant a'r Glasoed ('CAMHS');
- Lansio'r Rhaglen Gwella Gwasanaethau Niwrowahaniaeth;
- Datblygu Dull Therapiwtig ar gyfer Plant sy'n Derbyn Gofal;
- Carfan Teuluoedd Therapiwtig.

Er y cafodd ei gydnabod bod pwysau cynyddol ar y Bwrdd Iechyd, mynegodd sawl Aelod bryderon ynghylch hygyrchedd y Gwasanaethau Iechyd Meddwl Plant a'r Glasoed a'r gallu i ymateb i anghenion pobl ifainc. Wrth ei holi am natur y berthynas waith gyda chydweithwyr yn y Gwasanaethau Iechyd Meddwl Plant a'r Glasoed, dywedodd y Gyfarwyddwr Gwasanaeth wrth yr Aelodau fod gwaith integreiddio cadarnhaol yn cael ei wneud ond bod anhawster i gael mynediad at ymgynghori.

Siaradodd y Gyfarwyddwr Gwasanaeth am yr Asesiad Iechyd i Blant sy'n Derbyn Gofal a ddarparwyd gan y Bwrdd Iechyd, a chynigiodd y byddai'n fuddiol defnyddio dull sy'n llai seiliedig ar glinigau ac yn fwy integredig, o hyn ymlaen.

Nododd y Cadeirydd fod Plant sy'n Derbyn Gofal, mewn rhai achosion, yn aros am tua thair blynedd i gael mynediad at y gwasanaeth Niwrowahaniaeth a chynigiodd y dylid estyn gwahoddiad i un o gyfarfodydd y Bwrdd yn y dyfodol i Fwrdd Iechyd Prifysgol Cwm Taf Morgannwg a chynrychiolwyr o'r Gwasanaethau Iechyd Meddwl Plant a'r Glasoed ('CAMHS') a'r Rhaglen Gwella Gwasanaethau Niwrowahaniaeth.

PENDERFYNODD y Bwrdd Rhianta Corfforaethol i wneud y canlynol:

1. Nodi cynnwys yr adroddiad; ac
2. Estyn gwahoddiad i Fwrdd Iechyd Prifysgol Cwm Taf Morgannwg fynychu cyfarfod o'r Bwrdd Rhianta Corfforaethol yn y dyfodol i drafod yr Addewid, y Gwasanaeth Iechyd Meddwl Plant a'r Glasoed, a'r Rhaglen Gwella Gwasanaethau Niwrowahaniaeth.

Nodwch – doedd Cynghorydd y Fwrdeistref Sirol S Hickman ddim yn bresennol ar gyfer yr eitem yma.

23

NEWYDDION DIWEDDARAF Y GWASANAETH MAGU

Darparodd Pennaeth y Gwasanaeth Ymyrraeth Ddwys a Rheolwr Arfer a Chyflawniad Carfan Magu wybodaeth i'r Bwrdd Rhianta Corfforaethol am gynnydd y gwasanaeth Magu ers ei lansio ym mis Mai 2023.

Amcan prosiect Magu yw darparu llwybr cymorth integredig i fenywod beichiog a darpar dadau trwy wasanaethau ymyrraeth gynnar a ffiniau gofal, gan ganolbwyntio ar feithrin sgiliau a chydnerthedd a lleihau risg. Mae'r dull

ymyrraeth gynnar yn darparu cymorth wedi'i dargedu i deuluoedd er mwyn atal rhagor o ymyrraeth statudol gan leihau nifer y plant sydd angen mynd i gartrefi gofal yn syth ar ôl eu geni neu yn eu blwyddyn gyntaf yn y pen draw.

Tynnodd y Pennaeth Gwasanaeth sylw'r Aelodau at adran 4 o'r adroddiad, sy'n nodi amcanion Prosiect Magu a'i gynnydd hyd yma'n glir. Er mai dim ond ers mis Mai 2023 y mae'r prosiect wedi bod ar waith, roedd y swyddog yn falch o roi gwybod i'r Bwrdd am y 51 o atgyfeiriadau sydd wedi'u gwneud hyd yma a bod yr adborth gan ddefnyddwyr y gwasanaeth wedi bod yn gadarnhaol.

Roedd un Aelod yn falch o nodi'r cynnydd sydd wedi'i wneud ac yn edrych ymlaen at dderbyn data cymharol yn y blynyddoedd i ddod. Siaradodd yr Aelod am ei rôl hi ar y Panel Mabwysiadu a chyfeiriodd at achosion o rieni'n colli plant ar ôl iddyn nhw gael eu rhoi mewn gofal yn syth ar ôl eu geni. Dywedodd yr Aelod ei bod hi wedi'i chalonogi o glywed bod modd i Brosiect Magu atal canlyniadau torcalonnus o'r fath.

Gofynnodd Pennaeth yr Ysgol Rithwir a fyddai swyddogion yn gweithio gyda phob teulu hyd nes bod y plentyn yn flwydd oed. Eglurwyd mai'r nod oedd gweithio gyda phob teulu nes bod y plentyn yn flwydd oed, ond mai'r disgwyl oedd y byddai lefel yr ymyrraeth yn lleihau wrth i amser fynd heibio.

Diolchodd y Cadeirydd i'r swyddogion am yr adroddiad cynhwysfawr a phwysleisiodd bwysigrwydd ymyrraeth gynnar.

PENDERFYNODD y Bwrdd:

1. Nodi cynnwys yr adroddiad.

Nodwch – doedd Cynghorydd y Fwrdeistref Sirol S Hickman ddim yn bresennol ar gyfer yr eitem yma.

24

ADRODDIAD MONITRO GWASANAETH ADOLYGU ANNIBYNNOL CYFARWYDDWR CYFADRAN Y GWASANAETHAU CYMUNED A GWASANAETHAU I BLANT

Rhoddodd y Pennaeth Partneriaethau wybodaeth i'r Bwrdd Rhianta Corfforaethol am gyflawni swyddogaethau'r Swyddog Adolygu Annibynnol ar gyfer plant sy'n derbyn gofal (PDG) yn ystod y cyfnod rhwng 30 Mehefin 2022 a 30 Mehefin 2023.

Cafodd yr aelodau drosolwg o'r gweithgaredd adolygu o'r cyfnod ynghyd â data cyflawniad cymharol manwl.

Diolchodd y Cadeirydd i'r swyddog am yr adroddiad cynhwysfawr a siaradodd am werth cymryd golwg annibynnol ar sicrhau bod anghenion Plant sy'n Derbyn Gofal yn cael eu diwallu gan yr Awdurdod Lleol.

Siaradodd y Cadeirydd am leoliadau y tu allan i'r sir a holodd os oedd modd rhoi bai ar ddiffyg lleoliadau am y ffigurau. Dywedodd y swyddog fod argaeledd lleoliadau yn fater cenedlaethol a bod dod o hyd i leoliad addas ar gyfer anghenion mor gymhleth yn aml yn anodd. Nododd y swyddog, pan mae pobl ifainc yn dymuno cael eu lleoli nôl yn y sir, mae'r garfan yn gweithio gyda nhw i ddod o hyd i leoliadau addas ond roedd yn cydnabod bod llawer gyda theulu neu

mewn lleoliadau hirdymor ac doedden nhw ddim yn dymuno cael eu lleoli nôl yn y sir.

Gan gyfeirio at y gostyngiad sylweddol mewn gorchmynion mabwysiadu, gofynnodd y Cadeirydd a oedd unrhyw bryderon. Siaradodd y swyddog am ddiwygio'r Amlinelliad Cyfraith Gyhoeddus ac roedd yn gobeithio bod y gwaith gyda theuluoedd cyn gwneud cais yn y llys, ynghyd â Phrosiect Magu yn cael effaith ar y gostyngiad yn nifer y plant sydd angen eu mabwysiadu.

PENDERFYNODD y Bwrdd:

1. Nodi cynnwys yr adroddiad.

25 TROS GYNNAL PLANT (TGP) CYMRU

Rhannodd Tros Gynnal Plant yr wybodaeth ddiweddaraf â'r Bwrdd Rhianta Corfforaethol am gynnydd ar gyfer cyfnod chwarter 1, a oedd yn cwmpasu mis Ebrill 2023 hyd at fis Mehefin 2023.

Clywodd yr Aelodau fod 49 o bobl ifainc wedi manteisio ar y gwasanaeth Eiriolaeth yn Seiliedig ar Faterion yn ystod y cyfnod, a chafodd 29 o bobl ifainc eraill eu hatgyfeirio ar gyfer y Cynnig Gweithredol ledled Rhondda Cynon Taf. Dywedodd y Swyddog fod 11 o bobl ifainc â phrofiad o dderbyn gofal ac 1 person sy'n gadael gofal wedi manteisio ar y gwasanaeth Eiriolaeth yn Seiliedig ar Faterion, a oedd yn cwmpasu gyda 14 o faterion, a chafodd 6 pherson ifanc â phrofiad o dderbyn gofal eu hatgyfeirio ar gyfer y Cynnig Rhagweithiol.

Clywodd yr aelodau bod 24 o bobl ifanc â Phrofiad Gofal wedi dod yn gymwys ar gyfer y Cynnig Rhagweithiol yn ystod y cyfnod. Cafodd 7 o'r cynigion hynny eu gwrthod ac o'r 6 o bobl ifanc â phrofiad o dderbyn gofal a gafodd eu hatgyfeirio ar gyfer y Cynnig Rhagweithiol, daeth 4 yn gymwys ar gyfer y gwasanaeth yn ystod y chwarter a daeth y 2 arall yn gymwys yn y chwarter blaenorol.

Mae hyn yn golygu bod 25% o bobl ifainc cymwys wedi'u hatgyfeirio ar gyfer y Cynnig Rhagweithiol o'i gymharu â 18% yn y chwarter blaenorol.

Diolchodd y Cadeirydd i Tros Gynnal Plant Cymru am yr adroddiad llawn gwybodaeth a dywedodd fod yr astudiaethau achos yn enghreifftiau gwych o bwysigrwydd gwaith eiriolaeth.

PENDERFYNODD y Bwrdd Rhianta Corfforaethol ar y canlynol:

1. Cydnabod y gwaith a wnaed gan TGP Cymru.

26 TRAFOD CADARNHAU'R PENDERFYNIAD ISOD:

PENDERFYNWYD bod y cyfarfod yma'n cadw aelodau o'r wasg ac aelodau o'r cyhoedd allan o ystafell y cyfarfod, dan Adran 100A(4) o'r Ddeddf Llywodraeth Leol (fel y'i diwygiwyd), yn ystod trafod yr agendwm nesaf, ar y sail y byddai'n debygol o olygu datgelu gwybodaeth eithriedig yn unol â diffiniad paragraff 14 o Ran 4 o Atodlen 12A o'r Ddeddf.

27 Y DIWEDDARAF MEWN PERTHYNAS Â STRATEGAETH GOFAL PRESWYL

2022 I 2027: PLANT SY'N DERBYN GOFAL

Rhannodd Cyfarwyddwr y Gwasanaethau i Blant wybodaeth â'r Bwrdd Rhianta Corfforaethol am blant mewn lleoliadau sy'n Gweithredu Heb Gofrestru (OWR), a chynlluniau'r Gwasanaethau i Blant ar gyfer cefnogi'r plant hynny, a dod â'r trefniadau hynny i ben.

Ar ôl ystyried yr adroddiad eithriedig, **PENDERFYNODD** y Bwrdd:

1. Nodi'r wybodaeth a oedd wedi ei chynnwys yn yr adroddiad;
2. Derbyn adroddiadau dilynol tan nad oes sefyllfaoedd OWR ar gyfer pobl ifainc sy'n derbyn gofal yn Rhondda Cynon Taf.

Daeth y cyfarfod i ben am 11.02 am

**Y Cynghorydd G Caple
Cadeirydd.**